



Broj: 100-4006/25

Mostar, 29.9.2025. godine

Na osnovu člana 48. stav (1) tačka I) i člana 72. Statuta Univerziteta „Džemal Bijedić“ u Mostaru Upravni odbor Univerziteta je, na 3. sjednici održanoj 29.9.2025. godine, donio

ODLUKU

o usvajanju Cjenovnika korištenja usluga sportskih terena Univerziteta „Džemal Bijedić“ u Mostaru

Član 1.

Usvaja se Cjenovnik o korištenju usluga sportskih terena Univerziteta „Džemal Bijedić“ u Mostaru (dalje: **Cjenovnik**), koji je sastavni dio ove Odluke.

Član 2.

Cjenovnikom se utvrđuju cijene za korištenje usluga sportskih terena Univerziteta „Džemal Bijedić“ u Mostaru.

Član 3.

Pod sportskim terenima se podrazumjevaju vanjski nogometni teren/i, atletska staza, tereni za padel, tereni za mini golf, kao i prateći objekti za presvlačenje.

Vrijeme korištenja sportskih terena podrazumijeva vrijeme za pripremu aktivnosti predviđenih Pravilnikom o korištenju sportskih terena Univerziteta „Džemal Bijedić“ u Mostaru (dalje: **Pravilnik**), vrijeme održavanja istih i vrijeme vraćanja prostora u funkciju redovnih aktivnosti, uključujući i čišćenje prostora nakon korištenja.

Član 4.

Cijene utvrđene ovim cjenovnikom plaća lice po čijem zahtjevu ili interesu se odlučuje o korištenju usluga sportskih terena.



Član 5.

Korištenje sportskih terena će biti omogućeno uz prethodno potpisan ugovor i/ili uplaćen iznos za određene usluge na transakcijski račun Univerziteta.

Član 6.

Obaveza plaćanja po ovom Cjenovniku nastaje:

- za pravna lica nakon potpisivanja ugovora, izdavanjem predračuna, na osnovu kojeg korisnik vrši plaćanje, nakon kojeg mu se izdaje porezni račun
- za fizička lica momentom odobrenja zahtjeva za korištenje sportskih terena, izdavanjem predračuna na osnovu kojeg korisnik vrši plaćanje, nakon čega mu se izdaje porezni račun

Član 7.

Od plaćanja korištenja usluga utvrđenih Cjenovnikom oslobođeni su radnici i studenti Univerziteta ako navedene usluge koriste isključivo u namjenu za realizaciju naučno-nastavnog, umjetničkog, umjetničko-nastavnog, te naučno-istraživačkog rada.

Član 8.

Rektor može osloboditi od plaćanja usluga utvrđenih Cjenovnikom sljedeće kategorije:

- studente Univerziteta koji ostvaruju značajne rezultate u sportskim takmičenjima kod priprema za takmičenje
- korisnike/štićenike ustanova za socijalnu zaštitu, ustanova za slijepa i slabovidna lica, ustanova za osobe s intelektualnim i fizičkim teškoćama druge slične ustanove i kategorije
- pravna lica za potrebe obilježavanja različitih manifestacija
- pravna lica sa kojima Univerzitet ima zaključen memorandum o saradnji
- u drugim slučajevima po odluci rektora

Odluku o oslobađanju naknade za usluge korištenja sportskih terena donosi rektor na pismeni zahtjev uz prilaganje odgovarajućih dokaza.



Član 9.

Cijene korištenja usluga sportskih terena prikazane su u Tabeli 1. koja čini sastavni dio ove Odluke.

Cijene korištenja sportskih terena su prikazane po satu korištenja (60 minuta).

Ukoliko termin traje kraće ili duže od 60 minuta, obračun se srazmjerno povećava ili smanjuje u odnosu na cijenu korištenja jednog sata.

Član 10.

Naplata termina vikendom (organizacija različitih vrsta takmičenja i utakmica i sl.) obračunava se na način utvrđen u članu 9. ovog Pravilnika.

Član 11.

Odluka stupa na snagu danom donošenja.



Univerzitet „Džemal Bijedić“ U Mostaru

prof. dr. Alma Leto, predsjednica Upravnog odbora

Dostaviti:

- Upravnom odboru
- Organizacionim jedinicama
- Univerzitetskim studijima
- Biblioteci
- Računovodstveno-finansijskoj službi
- Mirzi Čamo (za objavu na web stranici UNMO)
- a/a



**Tabela 1: CJENOVNIK KORIŠTENJA USLUGA SPORTSKIH TERENA UNIVERZITETA
"DŽEMAL BIJEDIĆ" U MOSTARU**

R.b.	Usluga	Vrsta korisnika	Period korištenja	Vrijeme trajanja	Cijena	Napomena
	Korištenje velikog nogometnog terena	Sportski klub	07:00 -16:00	60 minuta	50 KM	
		Sportski klub	16:00 -23:00	60 minuta	60 KM	
	Korištenje malog nogometnog terena	Sportski klub	07:00 -16:00	60 minuta	30 KM	
		Sportski klub	16:00 -23:00	60 minuta	40 KM	
		Rekreativci	07:00 -16:00	60 minuta	35 KM	
		Rekreativci	16:00 -23:00	60 minuta	50 KM	
	Korištenje atletske staze	Sportski klub	07:00 -16:00	60 minuta	30 KM	
		Sportski klub	16:00 -23:00	60 minuta	40 KM	
		Rekreativci	07:00 -10:00	PON, SRI, PET	BESPLATNO	
		Rekreativci	16:00 -23:00	mjesečno, radnim danima	30KM	
	Korištenje padel terena	Sportski klub/rekreativci	07:00 -16:00	60 minuta	30 KM	
		Sportski klub/rekreativci	16:00 -23:00	60 minuta	40 KM	
	Najam reketi za padel	Rekreativci	16:00-23:00	komad	2,50 KM	
	Mini golf	Sportski klub/rekreativci	07:00-23:00	60 minuta	15 KM	



Cijena kontinuiranog korištenja usluga sportskih terena Univerziteta „Džemal Bijedić“ u Mostaru u trajanju od tri, šest, devet i 12 mjeseci za lica s kojima je zaključen ugovor umanjit će se kako slijedi:

Za tri mjeseca cijena će se umanjiti za 5%,

Za šest mjeseci cijena će se umanjiti za 10%,

Za devet mjeseci cijena će se umanjiti za 15%,

Za 12 mjeseci cijena će se umanjiti za 20 % od cijene utvrđene ovim Cjenovnikom za predmetnu uslugu.

Cijene u tabeli su izražene bez PDV-a, koji će se računati u momentu izdavanja predračuna (računa) plaćanja.